

INUIT ATAQATIGIIT

INATSISARTUNI



UPA 2014/155

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunatsinni efterskolimik allisitamik, Tasiilami inissinneqartussamik, 2015-imi pilersitsinissaq pillugu Naalakkersuisut siunnersuusiornissamik peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Harald Bianco, Inuit Ataqatigiit)

Tunngavilersuut:

Efterskoleqarnermik aaqqissuussineq Kalaallit Nunatsinni nuannarineqartorujussuuvoq, efterskolerniarlutillu qinnuteqartartut atuariit atuartorisinnaassaannit amerlanerungaatsiartunit suli qinnuteqartoqartarluni. Efterskole allisitaq isumaqarpoq; efterskole kulturhøjskole-mik immikkoortortaqaarsinnaasoq, kiisalu eqqarsaatigineqaarsinnaassalluni ilaatigut illoqarfik qimannagu inunnik isumaginnittunngornianut ilinniarfiusinnaassalluni.

Efterskolinut atuuttunut marluusunut ukioq atuarfiusumut 2011/2012-imut atualernissaminnut qinnuteqartut, tiguneqartut aamma itigartinneqartut nalunaarsorneqarnerat imatut ilisimatitsissutigineqarpoq: 2012/2013-imi kisitsisit taakku allannguuteqangaangillat.

	QINNUTEQARTUT AMERLASSUSAAT	TIGUNEQARTUT AMERLASSUSAAT	ITIGARTINNEQARTUT AMERLASSUSAAT
Villads Villadsenip Efterskolia	180	80	100
Maniitsumi Efterskoli	160	70	90
Danmarkimi Efterskolit	328	259	69
KATILLUGIT	668	409	259

Tassalu qinnuteqartunit 668-iusunit 259-it itigartitaasariaqarsimapput.

Efterskolit nuannarineqarluarnerat aammalu misilittagaalersut tunngavigalugit inuttut pissarsilluaataasarnera pissutigalugit, suli efterskolimik atajuartussamik ataatsimik pilersitsinissamik matumuuna siunnersuuteqarpunga. Inuunik isumaginnittunngorniat ukiuni makkunani nunatsinni amigaataasorujussuupput, ingammik isorliunerusuni. Tamatuma saniatigut kitaamiunut sanilliulluta Tunumi kulturikkut assigiinngissutigut suli annertupput, tamannalu kulturikkut højskole-mik pilersitsinikkut minnerunngitsumik nunatta sinneranut tammatsaaliuinnermut ilapittuutaassaaq nunatsinnut iluaqutaangaatsiartussaq.

Efterskolit atuuttut marluusut, Villads Villadsenip Efterskolia Qasigiannguaniittoq aammalu Maniitsumi Efterskoli Nunatta Kitaani inissisimmata, siunnersuutigissavara efterskoli allisitaq nutaassaq Tunumi, tassalu Tasiilami inissinneqassasoq.

Tasiilami efterskolimik allisitamik nutaamik inissiisoqarneratigut Tasiilap illoqarfianut, eqqaamiorisaanut innuttaasunullu annertuumik sunnuteqartussaavoq. Atualerumartussat pinngortitarsuaq kusanaqisoq alutornangaartorlu kisiat pinnagu, kulturili allaanerusoq misigisaqarfigissavaat, illoqarfimmilu ulluinnarni inuunermi eqeersaataa-

ginnaratik, inooriaatsimik allatut ittumik ilaqutariit attaveqarfigilerumaakkatik nutaanik misigisaqartissavaat misigisaqarfigalugillu.

Efterskolioereersut allat assigalugit asiliarnissamut asimiinnissamullu Tasiilap eqqaa periarfissalissuuvog. Aasaanerani nunarfiit inuerunnikut Qernertuarsuit imaluunniit Ikkatseq, kiisalu atuarfiup lejrskolia ornissallugit periarfissaapput pitsassuit. Taamatullu ukiuunerani qimussimik asiliarsinnaaneq periafissaalluni.

Efterskolip siunertaa tassaavog atuartitsinermik ataatsimoorinnissamillu neqerooruteqarneq, ilinniartut inuttut tamakkiisumik inerikkiartornissaat, kiisalu nalinginnaasumik perorsarneqarlutillu ilinniarnissaat siunertaralugu qaammarsaanermik demokratiilu tungavigalugu peroriartornissamik pingaarnertut anguniagaqartoq. Taamatullu kulturikkut qaammarsaanermik tammatsaaliuinermilu iliniarfiussaaq kalaallit nunatsinnut iluaqutaassusaq.

Eqqarsaatigineqarsinnaavog Tasiilami efterskolimi allisitami atualerumaartutut tigutit-tartut annermik Nunatta Kitaaneersuunissaat, taamaalillutik nunagisami ilaata allaanerup qaammaasaqarfiginerulernissaanut periarfissaqalissallutik aammalu illuatungaani efterskolini Nunatta Kitaaniittuni pingaarnertut atuartunngortussat Tunumeersut tiguneqartarsinnaassallutik.

Efterskolit periarfissaqarmata immikkut taperseerqarnissamik pisariaqartitsisunut atuartitsinissamut, nutaamik efterskoliliornissaq qinnuteqarnissamut piumasarineqartunut naammassinnissinnaasunut periarfissatsialaavog pitsaalluinnartoq.

Pisortanut aningaasatigut allaffissornikkullu kingunerisassat.

Apeqqutaatillugu Tasiilami atuarfiliornissamut kollegialissamillu piukkunnartunik nutarsagassanik illuuteqartoqareerdersoq, imaluunniit nutaarluinnarnik sanaartortoqassanersoq, pilersitsinermi sanaartugassanut aningaasartuutissat 75 aamma 100 millioner koruunit akornanni aningaasartuutaanissaat missiliorneqarpoq. Taakkua saniatigut iluaqutissatut sunniutissai ilanngunneqassapput, tassalu akileraarutigut kommuninut Namminersorlutillu Oqartartussanut isertitassat.

Pingaartutut eqqaaneqassaaq, Tasiilami efterskoler-taarniaqatigiit (aallartittussat, ilaatigut pilersaarusiornikooreersut) suleqatiginerisigut, aningaasaateqarfinnut qinnuteqatataarnikkut atuarfissap pilersinneqarnissaanut aningaasaliisussarsiortoqartussaamat.

Naleqqiullugu taaneqarsinnaavog, Villads Villadsenip Efterskolia illunik pioreersunik allanngortiterinikkut nutartigaasoq, 45 millioner koruunit missiliorlugit akeqarsimammat.

Taakkua saniatigut Efterskolit pillugit Inatsisartut inatsisaat nr. 13, 5. december 2008-meersoq malillugu Namminersorlutik Oqartussat ingerlatsinermut tapiissuteqassapput, taakkulu ukiumut 13 millioner koruunit missiliussagai naatsorsuutigineqarpoq.

Allaffissornikkut kingunerisassai tassaajumaartussaapput piffissamik pilersaarusiornernut tunngatillugu atuiffiusussat, kingusinnerusukkullu, efterskoli atuleriarpat, Inatsisartut inatsisaanni § 21 naapertorlugu nakkutilliinermut piffissaq allaffissornermullu atugassat.

Namminersorluni inuussutissarsiuuteqarnermut aningaasatigut allaffissornikkullu kingunerisassat.

Siunnersuut aningaasatigut allaffissornikkullu kingunipiloqarnissaa maannangaaq naatsorsuutigineqanngilaq. Illuatungaatigullu namminersorluni inuussutissarsiuutilinnut iluaqusiisussaavog, taakkuussagunarmatami efterskolimik sanaartortussat, taamalu aamma sanaartornermik ingerlataqartut aningaasatigut isertittagaasa qaffariarneranik kinguneqartussaalluni, taamatuttaaq illoqarfimmi namminersorlutik inuussutissarsiuuteqartunut. Kiisalu efterskolip allisitap ammaattussaavaa, Tasiilap inuttusiartuinnartup suliffissatigut, iliniarfissatigut allatigullu siunissamut isigisumik pilersitsineq aallarnisaaqqinnerlu.

Innuttaasunut aningaasatigut allaffissornikkullu kingunerisassat.

Efterskolip tamakkiisumik sananeqarnerata nalaani suliffissanik pilersitsisoqassaaq, taassumalu kingorna efterskolimi sulisuulerumaartussat suliffinnik nutaanik periarfissaqartinneqalissapput. Taakkua saniatigut siunnersuut innuttaasunut aningaasatigut allaffissornikkulluunniit kinguneqartussaassanngilaq.